

**ხელშეკრულება**  
**სახელმწიფო შესყიდვის შესახებ № 01/14/031**  
**(კონსოლიდირებული ტენდერი CON180000001)**

თბილისი

20 თებერვალი 2019წ.

ერთის მხრივ სსიპ საჯარო რეესტრის ეროვნული სააგენტო (შემდგომში „შემსყიდველი“), წარმოდგენილი შესყიდვების სამსახურის უფროსის ვახტანგ შავგულიძის სახით და მეორეს მხრივ შპს „ესაბი“ (შემდგომში „მიმწოდებელი“), წარმოდგენილი მისი აღმასრულებელი დირექტორის, აკაკი ციმაკურიძის სახით, ვმოქმედებთ „სახელმწიფო შესყიდვების შესახებ“ საქართველოს კანონის, სახელმწიფო შესყიდვების სააგენტოს თავმჯდომარის 2017 წლის 11 აპრილის №10 ბრძანებით დამტკიცებული „სხვადასხვა სახის პრინტერებისა და კარტრიჯების კონსოლიდირებული ტენდერების ჩატარების წესისა და პირობების“, „სხვადასხვა სახის პრინტერებისა და კარტრიჯების სახელმწიფო შესყიდვის კონსოლიდირებული ტენდერების საშუალებით განხორციელების თაობაზე“ საქართველოს მთავრობის 2018 წლის 17 აპრილის №815 განკარგულების, კონსოლიდირებული ტენდერის სატენდერო დოკუმენტაციის, საქართველოში მოქმედი კანონმდებლობის საფუძველზე და 2019 წლის 24 იანვრის N36677/17 მოხსენებითი ბარათის გათვალისწინებით ვდებთ წინამდებარე ხელშეკრულებას შემდეგზე:

**1. გამოყენებული ტერმინების განმარტებები**

1.1. ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1.1. “ხელშეკრულება სახელმწიფო შესყიდვის შესახებ” (შემდგომ – “ხელშეკრულება”) – შემსყიდველ ორგანიზაციასა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.1.2. “ხელშეკრულების ღირებულება” ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების შესრულებისათვის;

1.1.3. “შემსყიდველი ორგანიზაცია” (შემდგომ “შემსყიდველი”) ნიშნავს ორგანიზაციას (დაწესებულებას), რომელიც შეისყიდის საქონელს.

1.1.4. “მიმწოდებელი” ნიშნავს პირს, რომელიც აწვდის საქონელს სახელმწიფო შესყიდვის შესახებ მოცემული ხელშეკრულების ფარგლებში;

1.1.5. “დღე”, “კვირა”, “თვე” ნიშნავს კალენდარულ დღეს, კვირას, თვეს.

1.1.6. სამუშაო დღე ნიშნავს კალენდარულ დღეს შაბათის, კვირისა და საქართველოს კანონმდებლობით განსაზღვრული უქმე დღეების გარდა.

1.1.7. თუ ხელშეკრულებით გათვალისწინებული ვადის უკანასკნელი დღე ემთხვევა უქმე ან დასვენების დღეს, ვადის დამთავრების დღედ ჩაითვლება მისი მომდევნო პირველი სამუშაო დღე.

1.1.8. სატენდერო დოკუმენტაცია - 2018 წლის 19 აპრილის A4 ფორმატის „A“ ტიპის ერთფუნქციური შავ-თეთრი ლაზერული პრინტერებისა და მათთვის განკუთვნილი ორიგინალი ტონერიანი კარტრიჯების 2018-2019 წლების კონსოლიდირებული ტენდერის (CON180000001) სატენდერო დოკუმენტაცია, რომელიც შესაძლოა დანართის სახით ფიზიკურად არ დაერთოს წინამდებარე ხელშეკრულებას, მაგრამ წარმოადგენს მის განუყოფელ ნაწილს.

1.1.9. „საქონელი“ - ხელშეკრულების მე-2 მუხლით გათვალისწინებული შესყიდვის ობიექტი.

## **2. ხელშეკრულების საგანი**

ხელშეკრულების საგანია შემსყიდველის მიერ 0 ცალი A4 ფორმატის „A“ ტიპის ერთფუნქციური შავ-თეთრი ლაზერული პრინტერის (CPV - 30232110) და მისთვის განკუთვნილი 100 ცალი ტონერიანი კარტრიჯის (CPV - 30125100) (შემდგომში „საქონელი“) სახელმწიფო შესყიდვა დანართი #1-ის, დანართი#2-სა და წინამდებარე ხელშეკრულებით გათვალისწინებული პირობების შესაბამისად.

## **3. სახელშეკრულებო ღირებულება**

3.1. ხელშეკრულების საერთო ღირებულებაა (შემდგომში „სახელშეკრულებო ღირებულება“) 9300 ლარი დღგ-ს ჩათვლით.

3.2. სახელშეკრულებო ღირებულება მოიცავს საქართველოს კანონმდებლობით დადგენილ ყველა გადასახადს.

## **4. მხარეთა ვალდებულებები**

### **4.1. მიმწოდებელი ვალდებულია:**

4.1.1. უზრუნველყოს წინამდებარე ხელშეკრულებით გათვალისწინებული საქონლის მიწოდება ხელშეკრულებითა და სატენდერო დოკუმენტაციით დადგენილი პირობების შესაბამისად;

4.1.2. შემსყიდველი ორგანიზაცია უსასყიდლოდ უზრუნველყოს ბარაზნით, შემსყიდველის მიერ ყოველი გარკვეული რაოდენობის კარტრიჯების შესყიდვისას, რომელთა გვერდის ბეჭდვის ჯამური რაოდენობა გადააჭარბებს მწამოებლის ოფიციალური რეკომენდაციით დადგენილ 10000 გვერდს.

4.1.3. განიხილოს შემსყიდველის პრეტენზიები და მიაწოდოს პასუხი ყველა საკითხზე;

- 4.1.4. ხელშეკრულებასთან დაკავშირებული ნებისმიერი ინფორმაციის მიწოდება აწარმოოს წერილობით ან ელექტრონული ფოსტის მეშვეობით;
- 4.1.5. ხელი შეუწყოს შემსყიდველს ინსპექტირების განხორციელებისას;
- 4.1.6. განახორციელოს ამ ხელშეკრულებითა და სატენდერო დოკუმენტაციით მასზე დაკისრებული სხვა ვალდებულებები.

#### **4.2. შემსყიდველი ვალდებულია:**

- 4.2.1. აუნაზღაუროს მიმწოდებელს ხელშეკრულების ღირებულება ხელშეკრულების პირობებში ასახულ ვადებში და ფორმით.
- 4.2.2. განახორციელოს ამ ხელშეკრულებითა და სატენდერო დოკუმენტაციით მასზე დაკისრებული სხვა ვალდებულებები.

### **5. ხელშეკრულების შესრულების კონტროლი**

- 5.1. შემსყიდველის მხრიდან შესყიდვების კონტროლს (ინსპექტირებას) განახორციელებს სსიპ საჯარო რეესტრის ეროვნული სააგენტოს სამეურნეო სამსახურის მთავარი სპეციალისტი ხათუნა ჯუკაშვილი ;
- 5.2. ხელშეკრულების პირობებთან შესაბამისობის დადგენის მიზნით, შემსყიდველი უფლებამოსილია საქონლის მოწოდებისას, საკუთარი ხარჯით, მის მიერ შერჩეული მეთოდით შეამოწმოს მოწოდებული საქონლის ხარისხი.

### **6. საქონლის მიწოდების პირობები, ადგილი და ვადები**

- 6.1. მიმწოდებელი უფლებამოსილია არ განახორციელოს საქონლის პირველი მიწოდება გამარჯვებულად გამოვლენიდან არაუადრეს 60 კალენდარული დღისა;
- 6.2. შესყიდვის ობიექტის მიწოდების ვადაა შემსყიდველის მიერ მისი მოთხოვნიდან არაუგვიანეს 15 (თხუთმეტი) სამუშაო დღე, ხელშეკრულების 6.1 პუნქტის გათვალისწინებით. შემსყიდველის მიერ საქონლის მოთხოვნა უნდა განხორციელდეს ხელშეკრულების გაფორმების შემდეგ ელ. ფოსტის მეშვეობით (შემსყიდველის ელ. ფოსტის მისამართი: [xjukashvili@napr.gov.ge](mailto:xjukashvili@napr.gov.ge) მიმწოდებლის ელ. ფოსტის მისამართი [support@esabi.ge](mailto:support@esabi.ge); [info@esabi.ge](mailto:info@esabi.ge));
- 6.3. შესყიდვის ობიექტის მიწოდების ადგილია: ქ.თბილისი, ჭავჭავაძის გამზ 37დ.
- 6.4. სტანდარტულ პრინტერებთან მიმართებით მიმწოდებლის სატენდერო წინადადება ძალაშია 2019 წლის 30 აპრილის ჩათვლით, ხოლო კარტრიჯებთან მიმართებით - 2021 წლის 10 ოქტომბრის ჩათვლით;

## 7. შესყიდვის ობიექტის მიღება-ჩაბარებისა და ანგარიშსწორების წესი

7.1 წინამდებარე ხელშეკრულებით გათვალისწინებული საქონლის გადაცემის დადასტურების მიზნით, საქონლის მიწოდებისას შემსყიდველსა და მიმწოდებელს შორის ფორმდება მიღება-ჩაბარების აქტი.

7.2 საქონელი ჩიათვლება მიღებულად მხოლოდ მხარეებს შორის მიღება-ჩაბარების აქტის გაფორმების შემდგომ.

7.3 შემსყიდველის მხრიდან საქონლის მიღებასა და მიღება-ჩაბარების აქტის ხელმოწერაზე უფლებამოსილი პირია სამეურნეო სამსახურის უფროსის მოვალეობის შემსრულებელი ალექო ბოგვერაძე. მიმწოდებლის მხრიდან საქონლის მიღება-ჩაბარების აქტის ხელმოწერაზე უფლებამოსილი პირია აკაკი ციმაკურიძე.

7.4 შემსყიდველი იღებს ვალდებულებას გადაუხადოს მიმწოდებელს საქონლის ღირებულება მიღება-ჩაბარების აქტის გაფორმებიდან არაუგვიანეს 5 (ხუთი) სამუშაო დღისა.

7.5 ანგარიშსწორება განხორციელდება შემდეგი პირობებით:

ა) ანგარიშსწორების ვალუტა – ლარი.

ბ) ანგარიშსწორების ფორმა – უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

გ) მოიცავს საქართველოს კანონმდებლობით დადგენილ ყველა გადასახადს.

## 8. გარანტია

8.1. პრინტერებზე ვრცელდება მწარმოებლის საერთაშორისო საგარანტიო პოლიტიკის შესაბამისი საგარანტიო მომსახურება მიღება-ჩაბარების აქტის გაფორმების დღიდან სამი წლის განმავლობაში;

8.2. საგარანტიო ვადის განმავლობაში, ხარვეზის აღმოჩენის შემთხვევაში შემსყიდველის მიერ დგება შესაბამისი წერილობითი დოკუმენტი, სადაც აღიწერება არსებული ხარვეზი, რის საფუძველზეც ხარვეზის აღმოსაფხვრელად შემსყიდველი მიმართავს მიმწოდებელს. მიმწოდებელი განახორციელებს ხარვეზის აღმოფხვრას საგარანტიო საქონლის მიმწოდებლის სერვის ცენტრში (ქ. თბილისი, ვაჟა ფშაველას გამზ. №16, +995 32 2913471; ქ. ბათუმი, ზ.გორგილაძის №94, +995 32 2 200 202; ქ. ქუთაისი, ლ.ასათიანის №98, +995 32 2 200 202; ქ. გორი, დ.გურამიშვილის №70, +995 32 2 200 202; ქ. თელავი, აღმაშენებლის №52ბ, +995 32 2 200 202) წარმოდგენიდან 10 (ათი) სამუშაო დღის განმავლობაში;

8.3. მიმწოდებელი უფლებამოსილია, არ გაავრცელოს საგარანტიო პირობები იმ შემთხვევაში, თუ შემსყიდველი ორგანიზაცია კონსოლიდირებული ტენდერის ფარგლებში შესყიდულ პრინტერში გამოიყენებს კონსოლიდირებული ტენდერის ფარგლებს გარეთ შესყიდულ კარტრიჯებს (მათ შორის არაორიგინალს, დატენილს ან თავსებადს).

8.4. საქონლის ქარხნული წუნის შემთხვევაში, მიმწოდებელი ვალდებულია, განახორციელოს წუნდებული საქონლის ახლით შეცვლა შემსყიდველის მიერ მიმართვიდან, საქონლის მიმწოდებლის სერვის-ცენტრში წარდგენიდან არაუგვიანეს 10 (ათი) სამუშაო დღისა.

## 9. ხელშეკრულების პირობების შეუსრულებლობა

9.1 მიმწოდებლის მიერ კანონმდებლობით, კონსოლიდირებული ტენდერთა და ხელშეკრულებით ნაკისრი ვალდებულებების შეუსრულებლობის ან/და არაჯეროვანი შესრულების შემთხვევაში შემსყიდველი ორგანიზაცია მიმართავს სატენდერო კომისიას ხელშეკრულების შეწყვეტის საკითხის გადაწყვეტის მიზნით. გადაწყვეტილების მიღების დროს სატენდერო კომისია ხელმძღვანელობს პროპორციულობის, მიზანშეწონილობისა და თანაზომიერების პრინციპებით.

9.2 სატენდერო კომისიის მიერ ხელშეკრულების შეწყვეტის შესახებ რეკომენდაციის გაცემის შემთხვევაში, შემსყიდველი ორგანიზაცია წყვეტს ხელშეკრულებას, რის შედეგადაც მიმწოდებელს დაეკისრება შემსყიდველი ორგანიზაციის სასარგებლოდ საჯარიმო თანხის გადახდა კონკრეტული ხელშეკრულებით შესასყიდი (დარჩენილი) სტანდარტული პრინტერის და სტანდარტული კარტრიჯის ხელშეკრულებით განსაზღვრული საორიენტაციო ღირებულების 20%-ის ოდენობით.

9.3 საქონლის მიწოდების ვადის დარღვევის შემთხვევაში, შემსყიდველი ორგანიზაცია უფლებამოსილია მოსთხოვოს მიმწოდებელს გადაიხადოს პირგასამტეხლო ყოველ ვადაგადაცილებულ დღეზე მისაწოდებელი საქონლის ღირებულების 0,2 პროცენტის ოდენობით, ხოლო იმ შემთხვევაში თუ დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2 (ორი) პროცენტს, შემსყიდველ ორგანიზაციას უფლება აქვს მიმართოს სატენდერო კომისიას ხელშეკრულების შეწყვეტის თაობაზე საკითხის გადაწყვეტის მიზნით. გადაწყვეტილების მიღების დროს სატენდერო კომისია ხელმძღვანელობს პროპორციულობის, მიზანშეწონილობისა და თანაზომიერების პრინციპებით.

9.4 ანგარიშსწორების ვადის დარღვევის შემთხვევაში, მიმწოდებელი უფლებამოსილია მოსთხოვოს შემსყიდველ ორგანიზაციას გადაიხადოს პირგასამტეხლო ყოველ ვადაგადაცილებულ დღეზე გადაუხდელი თანხის 0,2 პროცენტის ოდენობით.

9.5 შემსყიდველს უფლება აქვს ცალმხრივად შეწყვიტოს ხელშეკრულების მოქმედება აგრეთვე:

ა) მიმწოდებლის გაკოტრების შემთხვევაში;

ბ) საქართველოს კანონმდებლობით გათვალისწინებულ სხვა შემთხვევებში;

9.6 პირგასამტეხლოს გადახდა არ ათავისუფლებს მხარეებს ძირითადი ვალდებულებების შესრულებისაგან;

## 10 ხელშეკრულების მოქმედების ვადა

10.1 ხელშეკრულების მოქმედების ვადა განისაზღვრება ხელშეკრულების ხელის მოწერის დღიდან და მოქმედებს 2019 წლის 30 დეკემბრის ჩათვლით.

## 11 ხელშეკრულების პირობების გადასინჯვის შესაძლებლობა

11.1 ბაზრის კონიუნქტურის გათვალისწინებით ან დაინტერესებული პირის მხრიდან წერილობითი მიმართვის შემთხვევაში, უფლებამოსილია, გადახედოს მიმწოდებლის მიერ შემოთავაზებული ერთი ერთეული სტანდარტული პრინტერისა და ერთი ერთეული კარტრიჯის ფასს და ბაზარზე შესაბამისი გარემოებების არსებობის შემთხვევაში, განიხილოს მისაწოდებელი საქონლის ერთეულის ფასის ცვლილება.

11.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია 10 (ათი) დღით ადრე წერილობით შეატყობინოს მეორე მხარეს შესაბამისი ინფორმაცია.

## 12 ფორს-მაჟორი

12.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი;

12.2 ამ მუხლის მიზნებისათვის “ფორს-მაჟორი” ნიშნავს მხარეებისათვის გადაუღალავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით და სხვა;

12.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე

არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისდა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებინან ფორს-მაჟორული გარემოებების ზეგავლენისაგან.

### **13 სადაო საკითხების გადაწყვეტა**

13.1 ხელშეკრულების მოქმედების პერიოდში შემსყიდველსა და მიმწოდებელს შორის წარმოშობილი ყველა დავა უნდა გადაიჭრას ურთიერთმოლაპარაკების გზით ან საქართველოს კანონმდებლობით დადგენილი წესით.

### **14 სხვა პირობები**

14.1 მხარეები აუნაზღაურებენ ერთმანეთს მიყენებულ ზარალს საქართველოს კანონმდებლობის შესაბამისად;

14.2 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე;

14.3 ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი ეგზემპლარი მიმწოდებელთან, ხოლო ერთი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე;

14.4 ხელშეკრულებაში ცვლილებების შეტანა შესაძლებელია მხარეთა მიერ წერილობითი შეთანხმების საფუძველზე, რაც წარმოადგენს ხელშეკრულების განუყოფელ ნაწილს.

## 15 მხარეთა იურიდიული მისამართები და რეკვიზიტები

### შემსყიდველი:

სსიპ საჯარო რეესტრის ეროვნული სააგენტო,  
წარმოდგენილი შესყიდვების სამსახურის  
უფროსის  
ვახტანგ შავგულიძის სახით,  
მისამართი: თბილისი, სანაპიროს №2  
საბანკო რეკვიზიტები: ანგ: ხაზინის ერთიანი  
ანგარიში,  
GE24NB0330100200165022  
ბანკის კოდი: TRESGE22; სახაზინო კოდი:  
707427078  
ს/კ – 202238621

### მიმწოდებელი:

შპს „ესაბი“  
ს/კ – 204378173  
წარმოდგენილი აღმასრულებელი დირექტორის,  
აკაკი ციმაკურიძის სახით  
მისამართი: ქ. თბილისი, ჭავჭავაძის გამზ 37დ  
ტელეფონი: 2 25 29 00  
საბანკო რეკვიზიტები:  
ანგ.№ GE30 PC00 5360 0100 0130 98  
ს/ს პროკრედიტ ბანკი  
MIBGGE22



ხელშეკრულება სახელმწიფო შესყიდვის შესახებ № 01/14/031

დანართი #1

ფასების ცხრილი

№	შესყიდვის ობიექტის დასახელება	ბრენდისა და მოდელის დასახელება	რ-ბა	ერთეულის ფასი (ლარი)	საერთო ღირებულება (ლარი)
1	A4 ფორმატის ერთფუნქციური შავ-თეთრი ლაზერული პრინტერი	Xerox phaser 3052NI	0	0	0
2	ორიგინალი კარტრიჯი	Xerox 106R02778 სტანდარტული ტონერ კარტრიჯი 3000 გვ რესურსით 5% დაფარვისას	100	93.00	9300
				<b>სულ დღგ-ს ჩათვლით:</b>	9300

**შესყიდველი:**  
(საჯარო რეესტრის ეროვნული სააგენტო)  
წარმოდგენილი შესყიდვების სამსახურის უფროსის  
ვახტანგ შავგულიძის სახით,

**მიმწოდებელი:**  
შპს „ესაბი“  
წარმოდგენილი აღმასრულებელი დირექტორის,  
აკაკი ციმაკურიძის სახით

ხელშეკრულება სახელმწიფო შესყიდვის შესახებ №01/14/031  
დანართი #2

**ერთფუნქციური შავ-თეთრი ლაზერული პრინტერის ტექნიკური მაჩვენებლები**

#	სავალდებულო მოთხოვნები	მიმწოდებლის მიერ შემოთავაზებული ტექნიკური მახასიათებლები
1	ბეჭდვის ტიპი:	შავ-თეთრი
2	ტექნოლოგია:	ლაზერული
3	პირველი გვერდის ამობეჭვდის დრო:	არაუმეტეს 8.5 წამი
4	ბეჭდვის სიჩქარე:	26 გვ/წუთში A4
5	პრინტერის გარჩევადობა:	600 x 600 dpi (up to 4800 x 600 enhanced image quality)

6	ფორმატი:	ძირითადი უჯრა რეგულირებადი: 3 x 5 in. to 8.5 x 14 in. / 76 x 127 mm to 216 x 356 mm . მოიცავს A4-ს. ხელით მიმწოდებელი უჯრა რეგულირებადი: 3 x 5 in. to 8.5 x 14 in. / 76 x 127 mm to 216 x 356 mm . მოიცავს A4-ს.
7	საქადალდე უჯრა:	250 ფურცელამდე
8	საკომუნიკაციო პორტები:	10/100 Base- T Ethernet, WI-FI b/g/n, High-Speed USB 2.0
9	USB კაბელი	არანაკლებ 1.5 მ. სიგრძის USB კაბელი
10	ოპერატიული მეხსიერება:	256 MB
11	მაქსიმალური დატვირთვის ციკლი თვეში:	30000 გვერდამდე/თვეში
12	შემომავალი დენი:	220 – 240 VAC, 50/60 Hz
13	ოპერაციულ სისტემებთან თავსევალობა:	Windows, Linux, Mac OS

**შემსყიდველი:**

(საჯარო რეესტრის ეროვნული სააგენტო)

წარმოდგენილი შესყიდვების სამსახურის უფროსის ვახტანგ შავგულიძის სახით,

**მიმწოდებელი:**

შპს „ესაზი“

წარმოდგენილი აღმასრულებელი დირექტორის, აკაკი ციმაკურიძის სახით სახით

## ხელწერილი ინტერესთა კონფლიქტის შესახებ

20 თებერვალი 2019 წელი

ვადასტურებ, რომ „სახელმწიფო შესყიდვების შესახებ“ საქართველოს კანონის მე-8 მუხლის თანახმად, კარტიჯების შესყიდვასთან დაკავშირებით გასაფორმებელ ხელშეკრულებაში, შპს „ესაბთან“ ინტერესთა კონფლიქტში არ ვიმყოფები.

სსიპ საჯარო რეესტრის ეროვნული სააგენტოს  
შესყიდვების სამსახურის უფროსი:

ვახტანგ შავგულიძე